

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



ДОМ НАРОДА
ПРЕДСТАВНИЧКИ ДОМ

Привремена заједничка комисија оба дома за спровођење пресуде Европског суда за људска права у Стразбуру у предмету Сејдић и Финци против БиХ

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Privremena zajednička komisija oba doma za provođenje presude Evropskog suda za ljudska prava u Strazburu u predmetu Sejdić i Finci protiv BiH Privremeno zajedničko povjerenstvo obaju domova za provođenje presude Evropskog suda za ljudska prava u Strasbourg u predmetu Sejdić i Finci protiv BiH

Broj: 01,02-50-14-36-14/12
Sarajevo, 13.3.2012.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLIJENO: 13-03-2012 | | | |
| Organizaciona jedinica | Klasifikaciona oznaka | Redni broj | Broj priloga |
| 01,02- | 50-19- | 361/12 | |

16¹⁸

B

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
DOM NARODA

Predmet: Dostavljanje Izvještaja o radu Privremene zajedničke komisije oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine

Poštovani,

Na osnovu zaključaka Predstavničkog doma, usvojenih na 16. sjednici, održanoj 22.12.2011 i zaključaka Doma naroda, usvojenih na 9. sjednici, održanoj 28.12.2011. o nastavku rada Privremene zajedničke komisije oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine, Privremena komisija dostavlja Predstavničkom domu i Domu naroda Parlamentarne skupštine BiH Izvještaj o radu na daljnje postupanje.



Predsjedavajući Privremene komisije

Šefik Džaferović

Prilozi:

1. Izvještaj u tri jezičke verzije
2. Prijedlozi amandmana političkih stranaka, podneseni u ovoj fazi rada Komisije
3. Zapisnici Privremene komisije.

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**ДОМ НАРОДА
ПРЕДСТАВНИЧКИ ДОМ**



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM/ZASTUPNIČKI DOM**

Привремена заједничка комисија оба дома за спровођење пресуде Европског суда за људска права у Стразбуру у предмету Сејдић и Финци против БиХ

Privremena zajednička komisija oba doma za provođenje presude Evropskog suda za ljudska prava u Strazburu u predmetu Sejdić i Finci protiv BiH
Privremeno zajedničko povjerenstvo obaju domova za provođenje presude Evropskog suda za ljudska prava u Strasbourgu u predmetu Sejdić i Finci protiv BiH

Broj: 01,02-50-14-36-14/12
Sarajevo, 12.3.2012.

IZVJEŠTAJ
o radu Privremene zajedničke komisije oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine (za period od 5.1.2012. do 12.3.2012.)

Sarajevo, mart 2012.

Na osnovu zaključaka oba doma Parlamentarne skupštine Bosne i Hercegovine o nastavku rada Privremene zajedničke komisije oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine, usvojenih na 16. sjednici Predstavničkog doma, održanoj 22.12.2011., i 9. sjednici Doma naroda, održanoj 28.12.2011., Privremena zajednička komisija oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine dostavlja Domu naroda i Predstavničkom domu Parlamentarne skupštine BiH sljedeći

IZVJEŠTAJ

o radu Privremene zajedničke komisije oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine

I. UVOD

Privremena zajednička komisija oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine (u daljnjem tekstu: Privremena komisija) nastavila je raditi na osnovu zaključaka oba doma Parlamentarne skupštine BiH, usvojenih na 16. sjednici Predstavničkog doma, održanoj 22.12.2011., i 9. sjednici Doma naroda, održanoj 28.12.2011.

Predstavnički dom je na 16. sjednici, održanoj 22.12.2011., usvojio sljedeće zaključke:

1. Privremena komisija u dosadašnjem radu nije postigla takav stepen saglasnosti koji je potreban za predlaganje amandmana na Ustav BiH.
2. Dom smatra da Privremena komisija treba da nastavi raditi na pronalaženju rješenja potrebnih za provođenje presude, u skladu sa sugestijama i odlukama domova Parlamentarne skupštine BiH;
3. Rad Privremene zajedničke komisije oba doma za provođenje presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine treba okončati najkasnije do 12. 3. 2012. , te o rezultatima rada treba obavijestiti Parlamentarnu skupštinu BiH.

Dom naroda je na 9. sjednici, održanoj 28.12.2011., usvojio sljedeće zaključke:

1. Privremena komisija u dosadašnjem radu nije postigla takav stepen saglasnosti koji je potreban za predlaganje amandmana na Ustav BiH.
2. Dom smatra da Privremena komisija treba da nastavi raditi na pronalaženju rješenja potrebnih za provođenje presude, u skladu sa sugestijama i odlukama domova Parlamentarne skupštine BiH.

II. SJEDNICE KOMISIJE

Komisija je nastavila rad 5.1.2012. održavanjem sjednice kolegija Komisije oko dogovora o daljnjem radu.

U nastavku rada Komisija je održala četiri sjednice.

Na 11. sjednici, održanoj 12.1.2012., članovi Privremene komisije jednoglasno su zaključili da političke stranke do 24.1.2012. Komisiji mogu dostaviti konkretne prijedloge amandmana na Ustav BiH koje će ona razmatrati na narednoj, 12. sjednici;

Na 12. sjednici Privremene komisije, održanoj 31.1.2012., amandmane na presudu podnijeli su Nermin Purić u ime DNZ-a, Šefik Džaferović, Saša Magazinović, Mladen Ivanković Lijanović i Zvonko Jurišić, kao usaglašeni stav, u ime SDA, SDP-a, NSRZB i HSP-a, i Borislav Bojić u ime SDS-a.

Nakon rasprave o konkretnim amandmanima odlučeno je da se proces predlaganja amandmana nastavi.

Na 13. sjednici, održanoj 13.2.2012., vođena je rasprava o provođenju presude, a podnesen je i novi SNSD-ov Prijedlog amandmana II. na Ustav BiH koji se odnosi na Dom naroda Parlamentarne skupštine BiH.

Članovi Privremene komisije jednoglasno su zaključili da kolegij Privremene komisije organizira radno-konsultativni sastanak s predsjednicima svih političkih stranaka zastupljenih u Parlamentarnoj skupštini BiH na kojem bi se razgovaralo o mogućim rješenjima za provođenje presude.

Radno-konsultativnom sastanku Kolegija Privremene komisije s predsjednicima, odnosno predstavnicima političkih stranaka koje su zastupljene u Parlamentarnoj skupštini BiH, održanom 6.3.2012., odazvali su se predsjednik SDP-a Zlatko Lagumdžija, predsjedavajući Predstavničkog doma Milorad Živković - u ime SNSD-a, predsjednik SDA Sulejman Tihić, potpredsjednik SDS-a Ognjen Tadić, zamjenik predsjednika SBB-a Fehim Škaljić, predsjednik HDZ-a BiH Dragan Čović, potpredsjednik SBiH Amer Jerlagić, predsjednik HDZ 1990 Božo Ljubić, predsjednik HSP-a Zvonko Jurišić, predsjednik NSRZB Mladen Ivanković Lijanović i predsjednik PDP-a Mladen Ivanić.

Na sastanku su prezentirani dotadašnji rezultati rada Privremene komisije, ponovo izneseni stavovi političkih stranaka, te još jednom ukazano na potrebu postizanja političkog dogovora do završne sjednice Privremene komisije.

III. ZAVRŠNI DIO SA ZAKLJUČCIMA

Posljednja, 14. sjednica Privremene komisije održana je 12.3.2012. Kako ni do tada nije postignut politički dogovor, odlučeno je da se domovima Parlamentarne skupštine BiH uputi Izvještaj o radu Privremene komisije sa sljedećim zaključcima:

1. Privremena komisija, u dosadašnjem radu, nije postigla takav stepen saglasnosti, koji je potreban za predlaganje amandmana na Ustav BiH;
2. Privremena komisija smatra da treba nastaviti raditi na pronalaženju rješenja potrebnih za provođenje presude, u skladu sa sugestijama i odlukama domova Parlamentarne skupštine BiH.



Prilozi:

1. Prijedlozi amandmana političkih stranaka, podneseni u ovoj fazi rada Komisije
2. Zapisnici Privremene komisije.